



INSTITUT ZA RAZVOJ MLADIH KULT

Ul. 4. viteške brigade 34-36 BA, 71210 Ilidža, Sarajevo

E-mail: kult@mladi.org

Tel.: 033 778 778; fax: 033 778779

Web: www.mladi.org

✚ Kirgistsanska delegacija i Institut razmijenili iskustva rada s mladima

Delegacija iz Kirgistanu bila je u osmodnevnoj studijskoj posjeti našoj zemlji o temi rad s mladima u BiH. Delegaciju na čelu s ministrom rada, migracija i mladih Republike Kirgistan činili su predstavnici/e državnih ministarstava, predstavnici/e nevladinih organizacija i mladi. Tokom posjete delegacija se upoznala s radom i aktivnostima različitih ministarstava i vladinih tijela na državnom, entitetskom i lokalnom nivou u domenu rada s mladima, kao i s nevladinim i omladinskim organizacijama koje nude različite aktivnosti za mlade.



Jedna od učesnica studijske posjete Aigul Jeenbaeva, koja radi u nevladinoj organizaciji i volonterski obavlja posao službenice za mlade u mjestu Maevka rekla je: "Kroz ovu studijsku posjetu dobila sam ogromno iskustvo tokom susreta s predstavnicima/ama različitih nivoa vlasti i tokom posjeta različitim nevladinim organizacijama."

✚ Razvoj obrazovanja odraslih u RS



U Republici Srpskoj zakonska regulativa iz oblasti cjeloživotnog učenja postoji još od 2008. g., kada je usvojen Zakon o obrazovanju odraslih, a čije izmjene i dopune su stupile na snagu 2012. g. Osim Zakona i niza pravilnika koji reguliraju ovu oblast značajan doprinos razvoju cjeloživotnog učenja doprinijelo je i osnivanje Zavoda za obrazovanje odraslih RS. S druge strane u FBiH tek su u proteklom period učinjeni određeni pomaci donošenjem zakona o obrazovanju odraslih u Unsko-sanskom kantonu i Kantonu Sarajevo, čije usvajanje se očekuje uskoro.

Tokom posjete bilo je riječi o problematici priznavanja programa neformalnog obrazovanja. Institut je predstavio obuku omladinskih lidera/ica UMiD, koja se implementira već šest godina. Osim utjecaja koje obuka ima na razvoj mladih, predstavljena je i Mreža omladinskih lidera/ica UMiD Alumni.

✚ Institut u studijskoj posjeti Berlinu

Predstavnik Instituta za razvoj mladih KULT učestvovao je u studijskoj posjeti Berlinu u okviru implementacije Koordinirane politike za mlade u BiH (EUNYP). Tokom posjete učesnici/e su imali priliku upoznati se s primjerima realizacije politike prema mladima u Njemačkoj, od lokalnog do saveznog nivoa. Prema informacijama Saveznog ministarstva za porodicu, starije osobe, žene i mlade, politika prema mladima je naročito razvijena na lokalnom nivou, gdje se odvija najveći dio rada s mladima. Kao jedan od značajnijih programa izdvojio se U18 - mladi učestvuju u

www.omladina-bih.net



politici, gdje djeca i mladi do 18 godina također imaju priliku neformalno glasati i birati političku opciju s čijim stavovima se najviše slažu. Studijska posjeta bila je odlična prilika za predstavnike/ce nevladinog, ali i vladinog sektora, da na primjerima dobre prakse Njemačke razvijaju slične programe i u BiH.

✚ Omladinski lideri/ce i Mladi Bankari/ke

Predstavnici/e Instituta posjetili su centralu *Pro Credit Bank d. d. Sarajevo*. Tokom posjete razgovaralo se o mogućnostima potencijalne saradnje u budućem periodu. U okviru inicijative *Priznavanje obuke UMiD kao obuke za aktivno sudjelovanje mladih* planirano je uvezivanje mladih s potencijalima koje nudi privredni sektor u BiH, tako da saradnja s društveno odgovornom kompanijom kakva je Pro Credit Banka ne čudi. Ova banka u protekle dvije godine aktivno radi na implementaciji programa Mladi Bankari, koji omogućava mladima da steknu vještine neophodne prvenstveno za rad u banci. Osim stjecanja vještina, mladima se nudi i mogućnost dobijanja posla, što je dodatna pogodnost ovog programa.

✚ Posjeta predstavnika/ca Naše stranke Institutu

Općinski vijećnici/e Naše stranke iz sarajevskih općina na čelu s gđom Varjom Nikolić, predsjedavajućom Općinskog vijeća Općine Centar, posjetili su prostorije Centralnog ureda Instituta za razvoj mladih KULT. Općinski vijećnici/e ispred Naše stranke upoznali su se s djelovanjem i inicijativama Instituta. Glavna tema susreta bila je mogućnost saradnje na konkretnim pitanjima vezanim za politiku prema mladima, kao što su strategije prema mladima te kriteriji za dodjelu sredstava projektima za mlade.



✚ Održana obuka Mladi prate politiku prema mladima



Vještine umrežavanja, te organizacijsko i finansijsko upravljanje u nevladinom sektoru bile su teme prvog modula obuke. U prvom dijelu radionice učesnici/e radionice učili su kroz praktične primjere o vještinama umrežavanja, dok su o osnovnim načelima u poslovanju organizacije, računovodstvenom i finansijskom izvještavanju, zapošljavanju u organizaciji, obračunima ugovora učili u drugom dijelu radionice.

Vježbe koje su mladi na ovoj radionici radili u cilju su praktične primjene usvojenih znanja.

✚ Sporazum s Agencijom za državnu službu FBiH

Tokom septembra u prostorijama Agencije za državnu službu Federacije BiH potpisan je Sporazum o saradnji Instituta za razvoj mladih KULT i Agencije za državnu službu Federacije BiH. Saradnja će doprinijeti razvoju politike prema mladima državne službe u Federaciji BiH u skladu sa Zakonom o mladima Federacije i Zakonom o državnoj službi u Federaciji. Progromom adekvatne obuke i zapošljavanja službenika/ce za mlade, Institut za razvoj mladih KULT i Agencija za državnu službu Federacije žele stvoriti pretpostavke i kreirati uređenje pogodno za razvoj mehanizama politike prema mladima.



+ Kupujemo i koristimo domaće!

Danas se na tržištu nude različiti proizvodi, pa je teško izabrati najbolje. Stoga je Institut za razvoj mladih KULT prepoznao važnost sajma bosanskohercegovačkih proizvoda, koji je organiziralo udruženje Kupujemo i koristimo domaće. Tokom sajma Institut je predstavio svoj dosadašnji rad i obuku Uči, misli i djeluj! – UMiD svim zainteresiranim posjetiocima. Pored navedenog predstavljen je i Volonterski dnevnik. Dnevnik je posebno zanimljiv mladima koji su uvidjeli mogućnost unošenja podataka i komentara o različitim aktivnostima kojima se bave. Kupovinom domaćih proizvoda jačamo našu ekonomiju i tako postajemo ekonomski stabilnija zemlja. Mi smo izabrali najbolje.

+ Tarik Helić gost obuke *Mladi odlučuju*

Gost obuke *Mladi odlučuju!* bio je velikan bh. radijske i televizijske scene, Tarik Helić. Tom prilikom Helić je imao priliku voditi simulaciju televizijske emisije koju su mladi u njegovom prepoznatljivom stilu nazvali *Svako dobro, omladino*.

Emisija se bavila imaginarnim problemom zatvaranja omladinskog centra u kojoj su sve zainteresirane strane koje su predstavljali mladi polaznici/e obuke imale priliku govoriti o svojim perspektivama u vezi s problemom. Emisija je na praktičan način uspješno spojila teme kojima su se mladi bavili tokom trećeg modula obuke - javno zagovaranje prema donosiocima odluka te komuniciranje ka/sa javnostima.



+ Posjeta Agenciji za predškolsko, osnovno i srednje obrazovanje BiH

Tokom septembra, predstavnici Instituta bili su u posjeti državnoj agenciji koja se bavi pitanjima obrazovanja. Tokom razgovora s gđom Mirelom Šuman, pomoćnicom direktorice Agencije za predškolsko, osnovno i srednje obrazovanje, predstavljen je program obuke omladinskih lidera/ica UMiD. Tokom razgovora istaknut je nedostatak zakonske regulative o cjeloživotnom učenju, naročito u FBiH, što predstavlja osnovni problem u priznavanju programa neformalnog obrazovanja.

+ Susret mladih sa Predsjedavajućom Općinskog vijeća Ilidža gđom Smiljanom Viteškić



Institut za razvoj mladih KULT promovira omladinski aktivizam, volontiranje i politiku prema mladima te u skladu s time provodi aktivnosti u okviru kojih se mladi upoznaju sa osobama koje direktno ili indirektno kreiraju društveno politička zbivanja u njihovoj lokalnoj zajednici. U prostorijama Obrazovno-razonodnog centra za mlade SPAJALICA mladi su imali priliku upoznati se sa Predsjedavajućom Općinskog vijeća Ilidža gđom Smiljanom Viteškić.

U narednom periodu u okviru inicijative Jednake mogućnosti za žene i muškarce u politici kojom koordinira TPO Fondacija u partnerstvu sa Institutom organizirat će se susreti mladih sa predstavnicama Općinskog vijeća Ilidža.